

毘婆沙論

古 籍

第五十六

三百六十九  
仁六



阿毗曇毗婆沙論卷第五十六 仁

迦旃延子造 五百羅漢釋

北涼沙門浮陀跋摩共道泰譯

使捷度十門品之三



問曰但一經說色識餘經多說眼識答曰若  
是內法則說不說外法如內外所依所緣根  
根義所境界境界不共共說亦如是復次識  
以所依故有別名從眼生者名為眼識乃至  
從意生者名為意識如聲以所依故有別名  
如鼓聲依鼓貝聲依貝琴聲依琴彼亦如是  
問曰此皆依意何以不盡依名意識耶答曰  
若依是不共不同別異相作識別名云何眼

識所依不共不同別異謂依於眼不依餘乃  
至身識說亦如是以是事故而作四句或作  
所依不作次第緣乃至廣作四句作所依不  
作次第緣者謂俱生眼作次第緣不作所依  
者謂前次第滅心數法作所依作次第緣者  
謂意見不作所依不作次第緣者除上尔所  
仁 阿毗曇毗婆沙論 卷十六  
事乃至身識說亦如是若為意識作所依亦  
為意識作次第緣耶答曰若作所依亦作次  
第緣頗有作次第緣不作所依耶答曰有前  
次第滅心數法尊者須蜜說曰亦緣色生  
識何故不言色識但言眼識答曰眼為識作  
所依非色復次眼所作勝復次眼在自身中

色則不定復次眼是內入色則不定復次眼  
屬內色則不定復次眼於識有損益色則不  
尔問曰若然者色亦有損益答曰一色雖有  
損益餘色能生眼識眼不尔若一眼壞更無  
餘眼能生識餘識說亦如是復次眼有上中  
下識亦有上中下色則不尔復次眼是不共  
色則不定如緣一界中色生二界中識無有  
依一界中眼生二界中識緣一趣中色生五  
趣中識無有依一趣中眼生二趣中識何況  
多四生識亦如是復次眼是威勢非色尊者  
佛陀提婆說曰若眼無留難識亦無留難問  
曰色若有留難識亦有留難若無色者識何

緣生答曰不尔境界常不壞所依有壞若所  
依壞者識則不生假令有那由他色若所依  
壞緣色識不生者識則住不生法中問曰眼  
識識色何故言眼識色耶答曰或說所依以  
顯依或說依以顯所依說所依以顯依者如  
此中說眼能識色說依以顯所依者如說眼  
仁阿毗曇毗婆沙論 五十六  
識所更所分別色見復次以名義勝故如伎  
人染衣書法猶如伎師作伎時非無伎子伎  
女及餘侍從時會然伎師於中勝故但言伎  
師作樂如以染染衣非無人水器等但染勝  
故言以染染衣如以筆作字令字有差別非  
無人工紙墨等但筆於中勝故說筆作字令

字差別如是雖識能識色以眼勝故說眼識  
色復次眼是識色其故言眼識色如說伴行  
於道行者是足非伴伴是道行之具彼亦如  
是雖識識色眼是識色其故言眼識色有心  
意識問曰心意識有何差別答曰或有說者  
無有差別心即是意意即是識如是等皆同  
一義無有差別如火名火亦名燄亦名熾亦  
名樵薪如是等十名經說帝釋名因陀羅亦  
名憍尸迦亦名釋迦亦名千眼一帝釋有如  
是等十名如阿毗曇說受名為受亦名別受  
亦名等受亦名覺受一受有如是等五名彼  
亦如是一心法有三種名復有說差別者名

即差別是名心是名意是名識後次過去名  
意未來名心現在名識後次說界時名心說  
入時名意說陰時名識後次遠行義是心義  
如偈說

獨行遠近不依於身 能調是者 解脫怖畏

後次前導義是意義如偈說

仁 阿毗曇毗婆沙論 五十六  
意為前導 意尊意駛 意若念惡 即言即行

罪惡報應 如影隨形

生相續義是識義後次性義是心義輪門義

是意義聚義是識義後次種種雜色義是心

義如說比丘當知畜生趣所以有種種雜色

者皆由心有種種故有種種雜色歸屬義是



意義如說比丘當知此五根雖行種種境界  
必待意分別終歸屬意分別物體相是識義  
復次增積義是心義解了義是意義別識義  
是識義尊者婆奢說曰增積義斷義是心義  
解了義知義是意義能識義別識義是識義  
增積是有漏斷是無漏解了是有漏知是無  
漏能識是有漏別識是無漏心意識是謂差  
別若界有如是相者此中略說如眼識耳識  
鼻識舌識身識說亦如是云何意界答曰若  
意能識法已識今識當識及餘彼分意是名  
意界已識是過去意界今識是現在意界當  
識是未來意界及餘彼分意界者未來必不

生意界無有過去現在彼分。意界如意界。意識界亦如是。問曰：何故不說五識界彼分？答曰：應說而不說者，當知此說有餘。復次五識以所生為差別，彼分是不生法。復次五識以所作為差別，彼分是無所作。復次若說意識界彼分，當知亦略說。五識界彼分云：何法界？答曰：已為意所知。今為意所知，當為意所知。已為意所知，是過去。汝今為意所知，是現在。法當為意所知，是未來。法問曰：何故不說法界彼分？耶答曰：無有彼分。法界所以者，何無有如是法？非意境界。若生一剎那，意界除其自體，相應共生。餘一切法盡緣。問曰：十色入亦

仁

阿毗曇毗婆沙論

五十六

四

是意畧境界何故說名彼分耶答曰不以意  
界故說自分彼分乃以眼於色有自分彼分  
色於眼有自分彼分乃至身觸亦如是若以  
意界說自分彼分者則十二入盡是自分無  
有彼分所以者何盡是意境界故以是事故  
作如是說頗有共生法或是自分或是彼分  
耶答曰有十色入是彼分生老無常是自分  
所以者何生老無常是法界所攝故法界中  
無有彼分頗有相應共生法或是自分或是  
彼分耶答曰有未來必不生意界是彼分彼  
相應共生迴轉是自分所以者何是法界攝  
故法界中無有彼分

問曰頗以一眼界微塵作所依一色界微塵  
作境界能生眼識耶答曰不生所以者何五  
識身依積聚緣積聚依合聚緣合聚眼識依  
自界緣自界他界耳識亦尔意識依自界他  
界緣自界他界餘三識依自界緣自界復次  
眼識依自緣自緣他耳識亦尔意識依自依  
他緣自緣他餘三識依自緣自此中五說自他  
者即是界自他復次眼識依近緣近緣遠耳  
識亦尔意識依近依遠緣近緣遠餘三識依  
近緣近所以者何根與境界無間識乃得生  
餘廣說如雜捷度

問曰若彼繫眼彼繫色即生彼繫識亦生餘

繫識耶答曰或即生彼繫識亦生餘繫識即  
生彼繫識者生欲界欲界眼見欲界色生欲  
界繫識生欲界初禪眼見初禪色生初禪眼  
識生初禪初禪眼見初禪色生初禪眼識是  
名即生彼繫識生餘繫識者生欲界以初禪  
眼見欲界色生初禪識生欲界以第二禪眼  
見欲界色生初禪識以第二禪眼見初禪色  
生初禪識以第二禪眼見第二禪色生初禪  
識以第三禪眼見欲界色生初禪識以第三  
禪眼見初禪色生初禪識以第三禪眼見第  
二禪色生初禪識以第三禪眼見第三禪色  
生初禪識以第四禪眼見欲界色生初禪識

以第四禪眼見初禪色生初禪識以第四禪  
眼見第二禪第三禪第四禪色生初禪識亦  
如是是則說生欲界者生初禪以初禪眼見  
欲界色生初禪識餘應隨相廣說如生欲界  
者生第二禪第三禪第四禪廣說亦如是問  
曰彼繫身彼繫眼彼繫色即生彼繫識亦生  
仁 阿毗曇毗婆沙論 五十六  
餘繫識耶答曰即生彼繫識亦生餘繫識即  
生彼繫識者生欲界以欲界身欲界眼見欲  
界色生欲界識生初禪以初禪身初禪眼見  
初禪色生初禪識是則說即生彼繫識生餘  
繫識者生欲界以欲界身初禪眼見欲界色  
生初禪識以欲界身初禪眼見初禪色生初

禪識以欲界身以第二禪眼見欲界色生初  
禪識以欲界身第二禪眼見初禪色生初禪  
識以欲界身第二禪眼見第二禪色生初禪  
識以欲界身第三禪眼見欲界色生初禪識  
以欲界身第三禪眼見初禪色生初禪識以  
欲界身第三禪眼見第二禪色生初禪識以  
欲界身第三禪眼見第三禪色生初禪識以  
欲界身第四禪眼見欲界色生初禪識以欲  
界身第四禪眼見初禪色生初禪識見第二  
禪乃至見第四禪色說亦如是是則說生欲  
界者生初禪以初禪身初禪眼見欲界色生  
初禪識以初禪身第二禪眼見欲界色見初

禪色見第二禪色說亦如是以初禪身第三  
禪眼見欲界色初禪色第二禪色第三禪色  
說亦如是以初禪身第四禪眼見欲界色初  
禪色第二禪色第三禪色第四禪色說亦如  
是如生初禪生第二第三第四禪亦應隨相  
說以是事故作如是說頗有餘繫身餘繫眼  
仁餘繫色生餘繫識耶答曰有生欲界七以欲界  
阿毗曇毗婆沙論 五十六  
身第三禪眼見第二禪色生初禪識以第四  
禪眼見第二禪色以第四禪眼見第三禪色  
說亦如是生第二禪以第二禪身第三禪眼  
見欲界色生初禪識亦尔以第二禪身以第  
四禪眼見欲界色生初禪識亦尔以第二禪



身第四禪眼見第三禪色生初禪識亦尔生  
第三禪以第三禪身第四禪眼見欲界色生  
初禪識亦尔以第三禪身第四禪眼見第二  
禪色生初禪識亦尔如眼界色界眼識界耳  
界聲界耳識界說亦如是問曰若彼繫鼻彼  
繫香即生彼繫識亦生餘繫識耶答曰即生  
彼繫識不生餘繫識欲界繫鼻欲界香即生  
欲界繫識如鼻界香界鼻識界舌界味界舌  
識界說亦如是問曰若彼繫身彼繫觸即生  
彼繫識亦生餘繫識耶答曰或生彼繫識亦  
生餘繫識生彼繫識者生欲界以欲界身欲  
界觸生欲界識生初禪以初禪身初禪觸生

初禪識是則說生彼繫識生餘繫識者生第  
二禪以第二禪身第二禪觸生初禪識生第  
三第四禪亦如是所以者何即彼身觸非餘  
身觸問曰若彼繫意彼繫法即生彼繫識亦  
生餘繫識耶答曰或生彼繫識或生餘繫識  
生彼繫識者生欲界以欲界意知欲界法生  
仁 阿毗曇毗婆沙論 五十六  
欲界意識乃至生非想非非想處以非想非  
非想處意知非想非非想處法生非想非非  
想處識是則說即生彼處繫識生餘繫識者  
或有說欲界善心次第生未至餘未至依次  
第生欲界善心後有說者欲界善心次第生  
未至依亦生初禪未至依初禪次第生欲界

善心復有說者欲界善心次第生未至依初  
禪中間禪彼三地次第生欲界善心尊者瞿  
沙作如是說欲界善心次第生未至依初禪  
中間禪第二禪彼四地次第生欲界善心如  
行者入超越定從初禪超二禪及眷屬起第  
三禪現在前此亦如是評曰應作是說欲界  
善心次第生未至依初禪彼二地次第生欲  
界善心欲界善心次第生未至依初禪者欲  
界意識次第生初禪意識法或三界繫或不繫  
彼二地意識次第生欲界善心初禪意識生欲界  
意識法或三界繫或不繫初禪次第生第二  
禪是順次定初禪意識生第二禪意識法或三

界繫或不繫第二禪次第生初禪是逆次定  
第二禪意識生初禪意識法或三界繫或不繫  
乃至第三禪次第生第四禪是順次定第三  
禪意識生第四禪意識法或三界繫或不繫第  
四禪次第生第三禪是逆次定第四禪意識生  
第三禪意識法或三界繫或不繫第四禪次  
第生空處是順次定第四禪意識生空處意識  
仁 阿毗曇毗婆沙論 五十六  
法或無色界繫或不繫空處次第生第四禪  
是逆次定空處意識生第四禪意識法或三界  
繫或不繫空處次第生識處是順次定空處  
意識生識處意識法或識處繫或無所有處繫  
或非想非非想處繫或不繫識處次第生空

處是逆次定識處意生空處意識法或無色  
界繫或不繫乃至無所有處次第生非想非  
非想處是順次定無所有處意生非想非非  
想處意識法或非想非非想處繫或不繫非  
想非非想處次第生無所有處是逆次定非  
想非非想處意生無所有處意識法或無所  
有處繫或非想非非想處繫或不繫初禪次  
第生第三禪是順超定初禪意生第三禪意  
識法或三界繫或不繫第三禪次第生初禪  
是逆超定第三禪意生初禪意識法或三界  
繫或不繫如是乃至識處次第生非想非非  
想處是順超定識處意生非想非非想處意

識法或非想非非想處繫或不繫非想非非  
想處次第生識處是逆超定非想非非想處  
意生識處意識法或識處無所有處非想非  
非想處繫或不繫如是等則說定復有餘定  
亦可介欲界有四種變化心欲界有初禪果  
變化心欲界有第二第三第四禪果變化心  
仁 阿毗曇毗婆沙論 五十六  
此變化心次第生淨禪淨禪次第生變化心  
淨初禪次第生欲界初禪果變化心初禪意  
生欲界意識法是變化或四入或二入欲界  
初禪果變化心次第生淨初禪欲界意生初  
禪意識法或三界繫或不繫乃至淨第四禪  
次第生欲界第四禪果變化心第四禪意生

欲界意識法是變化若四入若二入欲界第  
四禪果變化心次第生淨第四禪欲界意生  
第四禪意識法或三界繫或不繫如是則說  
定生時亦可介欲界命終生初禪欲界意生  
初禪意識法或八地繫或不繫初禪命終生  
欲界初禪意生欲界意識法或三界繫或不  
繫欲界命終乃至生非想非非想處欲界意  
生非想非非想處意識法或非想非非想處  
繫或不繫非想非非想處命終生欲界非想  
非非想處意生欲界意識法或三界繫或不  
繫乃至無所有處命終生非想非非想處無  
所有處意生非想非非想處意識法或非想

非非想處繫或不繫非想非非想處命終生  
無所有處非想非非想處意生無所有處意  
識法或無所有處繫或非想非非想處繫或  
不繫是則說生時若成就眼界亦成就色界  
耶答曰成就眼界亦成就色界頗成就色界  
非成就眼界耶答曰有生欲界若不得眼界  
仁設得便失廣說如根捷度若成就眼界亦成  
阿毗曇毗婆沙論 五十六就眼界耶答曰或成就眼界不成就眼識  
界乃至廣作四句成就眼界不成就眼識界  
者生第二第三第四禪眼識不現在前成就  
眼識界不成就眼界者生欲界不得眼界設  
得便失成就眼界亦成就眼識界者生欲界



得眼界不失若生初禪若生第二第三第四  
禪眼識界現在前不成就眼界亦不成就眼  
識界者生無色界若成就色界亦成就眼識  
界耶答曰若成就眼識界亦成就色界頗成  
就色界不成就眼識界耶答曰有生第二第  
三第四禪眼識不現在前若不成就眼界亦  
不成就色界耶答曰若不成就色界亦不成  
就眼界頗不成就眼界非不成就色界耶答  
曰有生欲界不得眼界設得便失若不成就  
眼界亦不成就眼識界耶答曰若不成就眼  
界非不成就眼識界乃至廣作四句不成就  
眼界非不成就眼識界者生欲界不得眼界

說得便失不成就眼識界非不成就眼界者  
生第二第三第四禪眼識不現在前俱不成  
就者生色無色界俱非不成就者生欲界得  
眼界不失若生初禪第二第三第四禪眼識  
現在前若不成就色界亦不成就眼識界耶  
答曰若不成就色界亦不成就眼識界頗不  
仁成就眼識界非不成就色界耶答曰有生第  
阿毗曇毗婆沙論 五十六  
二第三第四禪眼識不現在前若不成就眼界  
得不成就色界亦不耶答曰或成就眼界得  
不成就非色界乃至廣作四句成就眼界得  
不成就非色界者生欲界失眼界成就色界  
得不成就非眼界者生欲界無眼界命終生

無色界俱成就得不成就者生欲界有眼界  
命終生無色界若色界命終生無色界俱不  
成就不得不成就者除上介所事若成就眼  
界得不成就眼識界亦介耶乃至廣作四句  
成就眼界得不成就非眼識界者若欲界失  
眼界第二第三第四禪命終生無色界成就  
眼識界得不成就非眼界者欲界無眼界命  
終生無色界若第二第三第四禪眼識現在  
前而滅者俱成就得不成就者欲界有眼界  
命終生無色界若初禪命終生無色界俱不  
成就不得不成就者除上介所事若成就色  
界得不成就眼識界亦介耶乃至廣作四句

成就色界得不成就非眼識界者第二第三  
第四禪命終生無色界成就眼識界得不成  
就非色界者第二第三第四禪眼識現在前  
滅者俱成就得不成就者欲界初禪命終生  
無色界俱不成就不成就者除上介所  
事若不成就眼界得成就色界亦介耶答曰  
仁 阿毗曇毗婆沙論 卷十六  
有若不成就色界得成就眼界亦介頗不成  
就眼界得成就非色界耶答曰有生欲界次  
第得眼界若不成就眼界得成就眼識界亦  
介耶乃至廣作四句不成就眼界得成就非  
眼識界者無色界命終生第二第三第四禪  
生欲界次第得眼界不成就眼識界得成就

非眼界者生第二第三第四禪眼識現在前  
俱不成就得成就者無色界命終生欲界初  
禪非俱不成就得成就者除上公所事若不  
成就色界得成就眼識界亦尔耶乃至廣作  
四句不成就色界得成就非眼識界者無色  
界命終生第二第三第四禪不成就眼識界  
得成就非色界者生第二第三第四禪眼識  
現在前俱不成就得成就者無色界命終生  
欲界初禪非俱不成就得成就者除上公所  
事如說眼界色界眼識界乃至意界法界意  
識界亦應隨相說是則說相似者如眼色眼  
識界於餘不相似作五三句耳聲耳識界作

四三句鼻香鼻識界作三三句舌味舌識界  
作二三句身觸身識界作一二句也

阿毗曇毗婆沙論卷第五十六

仁

推薪上自使史  
遙及二音駛

二 阿毗曇毗婆沙論 五十六

山城國綴喜郡薪村十四  
靈瑞山酬恩卷沙門宗桂書寫

